

Metzgerlied vom Metzgerleid

Du sag amoi: Was is'n des für a Fleisch, des da am Teller liegt?
Des is so zart und saftig und schmeckt sakrisch guad
Is des vielleicht – komm, lass mi rod'n –
a schweinsgeklonter Rinderbrod'n
Hauptsach, es schmeckt, weil mir scho lang der Magen knurrt

Du sagst: Des oane woäß i ganz genau:
Es is koa Lamm, koa Rind und a koa Sau
Es kommt von unser'm Metzger – ja, des woäß i g'wiss
Weil's direkt aus seim linken Oberschenkel is

**Letzte Nacht,
da ham's unser'n Metzger g'schlacht
Ham eahm naus in Schlachthof bracht - um hoibe Drei
A Boiz'n-Schuss – da war's vorbei**

**Ja, letzte Nacht,
da ham's unser'n Metzger g'schlacht
Und jetzt liegt er frisch und bludig-rot
beim Supermarkt im Angebot**

Glei in der Fruah, da ham's die ganz'n Metzger alle zammatrieb'n
und ham's glei mit am Viehtransport zum Schlachthof bracht
Sie ham gequieckt und plärrt und g'schrien
Doch koana is no überblieb'n
Es war der absolute Albtraum in der Nacht

Die Ochsen wünsch'n „Guadn Appetit!“
Die Schlachtereie, die mach ma nimmer mit
Die Ferkel und die Kälber, die ham protestiert
Und g'fragt, warum ma ned amoi die Metzger ausprobiert

**Letzte Nacht,
da ham's unser'n Metzger g'schlacht
Ham eahm naus in Schlachthof bracht – um hoibe Drei
A Boiz'n-Schuss – da war's vorbei**

**Ja, letzte Nacht,
da ham's unser'n Metzger g'schlacht
Und jetzt liegt er frisch und bludig-rot
beim Supermarkt im Angebot**

Wahrscheinlich hat der Metzger no des beste Fleisch
ned g'spritzt und a ned gen-manipuliert
Mei Hendl hat die Vogelgripp'n, mei Rind hat BSE
und ois, was scho vergammelt is, wird umetikettiert

**Ja, letzte Nacht,
da ham's unser'n Metzger g'schlacht
Ham eahm naus in Schlachthof bracht – um hoibe Drei
A Boiz'n-Schuss – da war's vorbei**

**Ja, letzte Nacht,
da ham's unser'n Metzger g'schlacht
Und jetzt liegt er frisch und bludig-rot
beim Supermarkt im Angebot**

Und wenn's dann alle Metzger g'schlachtet ham
Dann passt's bloß auf:
Wer kommt als Nächster dran...???

**Text und Musik:
Michael Bohlmann
11 / 2006**